

宋

會

要

太宗貴妃
臧氏

宋會要 貴妃

貴妃孫氏左金吾衛大將軍守斌之女太平興國二年
七月入宮三年為才人又賜號貴妃八年九月卒貴妃
臧氏江南李煜宮人煜卒入宮中太平興國八年九月
自御侍為縣君端拱二年四月為美人至道三年七月
進昭容大中祥符六年三月進順儀天禧二年九月進
淑儀乾興元年四月進貴儀卒年月缺明道二年十二
月贈婕妤慶厯四年九月贈貴妃生舒王元僊晉國中
國大長公主

大興一千二
百二十五

宋會要

貴妃杜氏初事藩邸後於洞真人道為法正都監號悟

定本

定本

方貴妃下
播沈貴妃
生冊
宋史
仁宗貴妃
張氏

真大師名瓊真明道二年十一月為婕妤寶元元年十一月進充媛慶歷元年十二月進充容四年進婕妤尋為賢妃六年八月卒贈貴妃生衛國大長公主 貴妃方氏初封新安郡君天禧二年九月為美人乾興元年四月進婕妤五月卒天聖三年五月贈昭媛明道二年十二月贈太儀慶歷二年三月贈淑妃四年九月贈貴妃生魏國大長公主

宋會要

慶歷八年十月十八日制以美人張氏為貴妃今所司擇日備禮冊命國朝以來命妃未嘗行冊禮然故事須竢旨方以告勅授之又凡降制皆從學士院待詔書告

定本
太宗貴妃
方氏

詞送中書經三省御官告院用印然後進入時宣制畢

學士宋祁止就院寫告直取官告院印用之遽封以進

方妃寵盛欲行冊命之禮得告怒擲地不肯受祁坐落

職知許州二十一日命參知政事龐籍為貴妃冊禮使

樞密副使高若訥副之翰林學士李淑撰冊文并書冊

印後淑侍養命觀文殿學士丁度代二十二日太常禮

院言參詳令文及歷代典故脩撰貴妃冊禮儀注冊竹

簡長一尺一寸濶一寸約文多少用一十四枚以錦裝

襖用天下樂錦印用金方一寸其文曰貴妃之印龜鈕紫綬

服以綸翟之衣青質羅為之衣畫裳繡皆為翟文素紗

中單黼領朱襹襖繡為黼文蔽膝隨裳色並用青以

重為大帶以青加革帶青鞵青

馬以白鞵如綉次文

玉佩錦綾

首飾用花釵九株寶鈿准花之數施二博鬢從之二十三日司天監言選定十二月三日行冊命禮告詔可十一月三日太常禮院言據文思院供到貴妃冊匣印盞各件減定制度黑漆冊匣一長六尺濶一尺三寸底蓋共高八寸渾金鍍銀起突釵花草暈鳳葉段裝手把屈戌懸攀鐫鏤茜大綾托裏茜絲條全黑漆冊床一身裏六尺五寸竿長一丈八尺濶三尺五寸高二尺一寸渾金鍍銀起突釵花草暈鳳葉段裝釘分鎔獸面等銀裝鐵魚鈎茜絲條拂線全茜羅繡肩褥八片帶全并行馬黑漆印匣兩重並渾金鍍銀起突釵花草暈鳳葉段裝

手把屈子戀攀屈戌等并茜大綾托內可底茜羅繡褥
茜絲鍊條第一重印匣一方二尺二寸高二尺六寸第
二重印匣一方一尺六寸高二尺二寸鞠束事件全黑
漆腰昇一方二尺九寸并竿長一丈五尺連脚高二尺
渾金鍍銀釵花草暈鳳葉段裝釘分鎔等全銀裏鐵魚
鈎茜絲魚鈎條可腰昇面茜羅繡褥全并肩褥子八片
全鍍銀分鎔獸面螭頭金并行馬全茜羅繡花草暈鳳
蓋印匣夾怕二裏印夾怕一蓋冊夾怕一襯冊文夾怕
一冊內褥子一冊床上褥子一茜絲條拂頭線全舉印
匣板條二綾絡條二絆冊圖條二蓋冊匣印茜絹夾油
帕二黑漆印床一金鍍銀釵花草暈鳳裝茜繡褥子黑

漆香案一箇繡案衣草罩鳳上用間金鍍銀香爐匙合
從之仍差內侍盧昭序同少府監文思院製造十二月
三日宰臣率百官班文德殿庭內臣二員自內中承旨
降冊印率主當者以奉冊印出垂拱殿其捧冊官俱搢
笏率主當捧冊印執事人等以次捧舉禮直官導中書
侍郎押冊通事舍人博士導中書令後從次禮直官導
禮部郎中押印通事舍人博士導禮部侍郎後從援衛
如儀由東上閤門至文德殿庭西向褥位權置援衛人等少
退立通事舍人博士引冊使副就承制位北向立定躬
次禮直官引宣徽使於冊使前西向稱有制典儀曰再
拜贊者承傳冊使副應在位官皆再拜訖宣曰美人張

氏特進封貴妃命公等持節展禮宣訖冊使副再拜宣

徽使還位門下侍郎帥主節者詣冊使東北主節者以

節授門下侍郎

主節者退
主於後

門下侍郎執節授冊使跪受

興付主節門下侍郎歸本班備隨節立於使左次引中

書令詣冊使東北西向立中書侍郎引冊案立於中書

令之左中書令取冊授冊使跪受興冊文曰皇帝若曰

天上憲星極協四妃敷陰教之列亞長秋之位正始王

化御于家邦咨于淑哲是謂時內治備于典冊是謂隆

徽數諗而行之古今通誼美人張氏淵敏居質醇和賦

性生絳冕之令族稟圖史之懿戒柔明維則克茂嬪風

婉嫕含章詎煩姆訓肆予涼薄纂大丕構樂得邦媛參

敘官職始明慎于選納見勤勞于輔佐鄙辭貴秩愈勵
冲誠宜有褒嘉聿申崇拜揆茲穀旦膺此渙恩質于師
僉孚我德舉綸翟盛其服禮莫大焉彤管貽其範體莫
重焉幹衣示儉婦道予以從訓樛木逮下風人予以流
詠寵命既輯爾實宜之令遣使左諫議大夫參知政事
龐籍副使右諫議大夫高若訥持節冊命爾為貴妃於
戲體順承以勤道躬法度以脩己祇率九御贊于壺則
惟勞謙以處其貴惟肅雍以成其美永啟休譽不其盛
歟中書令中書侍郎各還本班次引禮部侍郎詣冊使
東北西向立禮部郎中引印案立於禮部侍郎之右禮
部侍郎取印投冊使冊使跪受興禮部侍郎禮部郎中

各還本班其冊印並東向置於案

舉業者退立於後

立定典儀

曰再拜贊者承傳冊使副應在位文武百僚皆再拜訖
通事舍人博士引冊使副押冊印持節前導援衛如式
以次出朝堂門文武百僚班退由右昇龍門入大慶門
由殿西過至殿後門出由宣祐門至內東門權置冊印
於貴妃本位門之外設受冊印位於庭階下北向又設
冊使位於內東門外副使及內給事又於其南差退並
東向北上設冊印案位於冊使之前南向又設內給事
位於冊使北南向其日自文德殿奉冊印將欲至內東
門內給事詣本位請貴妃首飾褕翟衣衣服所司預供入冊印
至內東門外褥位置訖

捧冊官主當者少退

內臣引內外命婦諸

親俱入就位立如儀禮直官引冊使副等俱就東向位

通事舍人博士引冊使就內給事前東向躬稱冊使內給事進就躬立龐

籍副使高若訥奉制授貴妃冊印訖退復位內給事入

詣所受冊印本位貴妃前躬言訖退內給事進詣冊使

前西冊使跪以冊印授內給事內給事跪交付內謁者

冊使退復位內謁者及主當內臣等持冊印入內東門

內給事從之冊使副并行事官班退以次入詣本位庭又內給事

贊貴妃降詣庭中北向位立定內給事跪取冊興立於

貴妃之右少前西向又內給事一員立於貴妃之左少

前東向又內給事稱有制內給事贊貴妃再拜訖內給

事奉冊授貴妃貴妃受以授內給事內給事奉印授貴

仁宗貴妃
張氏

宋史
真宗貴妃
沈氏

妃貴妃受以授內給事如奉冊之儀內給事贊貴妃再拜訖內給事前引貴妃升位以次內臣引內外命婦諸親賀如常儀內給事贊言禮畢內外命婦諸親退內給事引貴妃謝皇帝皇后一用內中儀百官上表稱賀

宋會要

貴妃張氏熙寧九年十一月詔魯國大長公主養母仁宗後宮延安郡君張氏可特進美人元豐八年四月進婕妤元符三年正月進充儀崇寧二年三月進賢妃三年十月薨車駕臨奠特贈貴妃賜諡昭懿 貴妃沈氏故相倫之孫光祿少卿繼宗之女大中祥符二年四月為才人六年正月進美人天禧二年九月進婕妤乾興

元年四月進充媛明道二年十一月進昭容寶元元年十一月進昭儀慶厯元年十二月進婉容四年九月進賢妃尋加德妃為人淑儉不華帝亦以妃家世故待之異衆長秋虛位帝欲立之有從中沮之者不果嘉祐七年十二月進貴妃熙寧九年十一月卒賜諡昭靜

宋會要

嘉祐七年十二月二十三日太常禮院言准詔詳定貴妃冊禮合與不合奏告天地宮觀宗廟社稷諸陵檢詳即無奏告之禮八年八月二日以參知政事歐陽脩為貴妃冊禮使樞密副使胡宿副之翰林學士王珪撰冊文并書冊印冊文曰皇帝若曰夫國風之始以厚天下

之大倫陰教之脩以助王者之正道顧予涼昧奉若基
圖眷言別掖之英逮事先帝之室維年德之並茂且名
秩之未稱稽求往冊之適登冠列妃之華咨爾德妃沈
氏淵粹惠閑柔明端靚幼蹈儀矩不待姆師之訓初被
選納蓋出公相之族鳴玉節動陳詩戒盈展如邦之良
媛宜然天與遐福朕仰欽聖烈之餘俛懷宮籍之舊維
爾有輔佐之力早經於大謨維爾有澣濯之工下式于
群御茲庸表迪懿實敷錫徽猷亞於軒龍之象不謂不
崇衣以褕翟之衣不謂不寵備物既涯蠲辰既良咨合
僉謀咨揚顯命令遣使禮部侍郎參知政事歐陽脩副
使樞密副使左諫議大夫胡宿持節冊命爾為貴妃於

宋史

仁宗貴妃
周氏

仁宗貴妃
董氏

戲內治起化外姻戒權相祭祀以時則有周家之禮在
斥儉謁之行則有漢史之論明當職恩禮之來以綏賢
令之祉遂永終譽不其美歟

宋會要

貴妃周氏嘉祐四年六月自御侍安定郡君為美人五
年七月進婕妤八年三月進婉容熙寧九年三月進賢
妃元豐五年十二月進德妃八年四月進淑妃元符三
年正月進貴妃生令德景行大長公主懿穆大長公主

宋會要

貴妃董氏嘉祐四年自御侍縣君為貴人五年進美人
固辭請回授其父一官許之六年七月進婕妤九月進

神宗貴妃
邢氏

神宗貴妃
宋氏

充媛是月卒贈淑妃元符三年四月贈貴妃生莊謹大
長公主莊濟大長公主賢懿恭穆大長公主 神宗貴
妃邢氏初為御侍熙寧二年四月封永嘉郡君四年六
月進美人七年七月進充容十年二月進婉儀元豐元
年十二月進賢妃八年四月進淑妃元符三年正月進
貴妃崇寧三年十月薨車駕臨奠賜諡曰懿穆生惠王
僅冀王個豫王价徐王個賢和長公主 貴妃宋氏熙
寧二年十一月為才人六年四月進婕妤元豐二年進
充媛八年四月進婉儀紹聖四年三月進賢妃元符三
年正月進德妃大觀二年二月進淑妃政和三年三月
進貴妃七年六月薨生成王侑唐王俊賢孝長公主

宣和二年
建隆貴妃

一好似此
雲

宋史

神宗貴妃

林氏

宋史

神宗貴妃

武氏

崇寧八年內出手詔曰神考嬪御貴妃宋氏自熙寧初
誕育皇嗣年德彌邵譽謁掖庭遽爾淪謝列用傷惻可
依例賜二字諡并依貴妃苗氏合得恩澤七人外更添
三人以稱朕思親眷舊之意宣和五年以岳陽節度使
王舜臣乞致仕手詔獎諭王貴妃 貴妃林氏初為御
侍元豐五年八月封永嘉郡君六年十月為美人八年
四月進婕妤元祐五年正月卒贈婉儀元符三年四月
贈賢妃政和三年四月贈貴妃生燕王隰越王偲賢令
長公主

宋會要

貴妃武氏初為御侍元豐五年八月進才人八年四月

宋史
徽宗貴妃
王氏

徽宗貴妃
王氏

進美人紹聖三年進婕妤元符三年正月進昭儀建中靖國元年十二月進賢妃大觀元年六月薨七月車駕臨奠贈貴妃諡曰惠穆 徽宗貴妃王氏初封壽昌郡君建中靖國元年十月進美人崇寧二年三月進婉容三年七月進德妃四年八月進淑妃大觀元年四月進貴妃生鄆王楷荆王楫肅王樞徐王 相國公挺崇德公主保淑公主熙淑公主 貴妃王氏崇寧三年九月封平昌郡君四年閏二月進才人三月進美人是月進婕妤五年八月進修容大觀二年進婉容七月進賢妃政和元年七月進德妃三年二月進淑妃四年三月進貴妃七年九百薨諡曰懿肅生莘王植陳王機惠淑公

宋史
徽宗貴妃
喬氏

徽宗貴妃
崔氏

宋會要

主康淑公主柔福公主冲懿公主 貴妃喬氏初為御
侍崇寧二年五月封宜春郡君二年九月進美人四年
閏二月進婕妤五年二月進婉容大觀元年十二月進
賢妃二年二月進德妃三年五月進貴妃生景王杞濟
王柎邠王材華原郡王朴鄆王拱鄆國公榘瀛國公榘
貴妃崔氏初為御侍大觀三年正月封平昌郡君十月
進才人四年七月進美人十二月進婕妤政和元年二
月進婉容二年二月進賢妃三年十一月進德妃六年
七月進貴妃生漢王椿悼穆公主敦淑公主寧福公主
順穆公主永福公主宣和四年七月降為庶人

孝宗貴妃
張氏

宋續會要

淳熙十四年三月二日詔婉容張氏進封貴妃制曰朕
董擇柔儀宣明內治奉慈闈之養上焉祇事於兩宮佐
中壺之徽下以翼齊於九御克艱厥選茲得其人申制
綽以誕敷宣廷紳而傾聽婉容張氏性資嫺肅矩度淵
英德盛睢鳩擅彤管三章之美禮崇禴翟應良家八月
之求自虞侍於還清即寢蒙於腆澤恩隆而志愈異位
峻而身益恭蘭行桃姿茂迪嬪嬙之化瑤環瑜珥動猶
珎佩之飾疊觥不替於憂勤琴瑟日章於窈窕靖言懿
範妙簡深衷是用稽參往策之文登晉列妃之冠宸班
一品有嚴玉璫之華天極四星於赫珠璣之貴昭其命

孝宗貴妃
黃氏

數匪我私親於戲雖鳴興賢女之恩久賴陳詩之戒魚
貫利宮人之寵更圖觀象之手勉輯芳猷永綏多祐

宋續會要

淳熙十六年五月十八日詔和義郡夫人黃氏進封貴
妃制曰周以三夫人佐后視外朝三事之崇唐以四美
號建妃體圓極四星之序朕若稽古訓遴擇婦官延登
邦媛之良協輔坤儀之重載差吉旦敷告所延之典和
義郡夫人黃氏履行肅雍稟姿和粹動必循於圖史言
自合於歲規被選良家已謹佩璫之節承恩儲禁益流
藻荇之芳攀鱗適際於天飛秉德有光於內則當朕纂
承之始寔資警戒之成相予夙夜之憂勤助我庭闈之

寧宗貴妃
楊氏

孝養肆疇懿範升備元始志在進賢贊徽音於中壺坐
而論禮等峻秩於上公以基王化之風以厚人倫之本
於戲正家而刑萬國朕方取法於闕雎率職以倡九嬪
爾尚匹休於彤管欽承異渥通毫令猷可特進封貴妃
冊禮不受

宋續會要

慶元六年二月二十八日詔婉儀楊氏進封貴妃制曰
朕飭內治以化民風因王春而修古制弓韜謹禘祠之
奉應中壺以開祥種稜佐耕事之共命六宮而來獻將
協成於國典必肇建於妃聯淑辰既良出綈誕告婉儀
楊氏性鍾純醜躬迪惠和誦德象竊窺之篇動閑以禮

宜副并委蛇之飾行稱其容蚤推邦媛之英入侍掖庭
之選夙宵殫乎謹恭槩範著乎柔賢雖陰教是禪可範
九御之列然婦官未峻僅處六儀之間顧余續圖法古
崇儉凡良家八月之選皆於時而靡遑眎圓極四星之
文亦取象之猶缺茲會逢於邦慶疇叶輔於坤闈肆旌
婉則之芳特侈貴名之懿綸衣闕翟交輝命服之華龜
紐金章外等公台之秩豈特坐嚴於論禮蓋將共飭於
齊家於戲朕問安而至寢門爾備贊兩宮之甘旨后服
澣而化天下爾宜帥內職之儉勤無險詖私謁之心全
明章婦順之道斯有光於彤史庸永對於鴻休

按此門內太宗貴妃方氏太宗湫妃王氏係楊藎本內定本（原稿內共有另鈔數百條寫
清晰敘述整齊今據為定本）又查宋史諸王及公主傳王湫妃生荆王元儼方貴妃生觀
國大長公主亦合第原棠內俱與真宗妃嬪連敘後考

游記

宋會要

宋史
楊氏
游記

真宗景德七年封婉儀楊氏為淑妃帝不欲蕃臣貢賀
故不降制外廷止命學士草制付中書翼日宰臣言宮
掖加恩朝廷慶事臣下不可缺禮望令客省依例受貢
帝勉從之 大中祥符七年六月十八日制以婉儀楊
氏為淑妃后妃降制皆學士院草詞宜於正衙近臣牧
伯皇親諸親皆脩儀禮為賀至是真宗不欲令藩臣貢
賀故不降制外廷止命學士草詞付中書 淑妃王氏
初封金城郡君天禧二年九月進為美人乾興元年四
月進婕妤天聖九年十一月進昭媛卒年月缺明道元
年十月贈大儀二年十一月贈德妃慶厯四年九月贈

仁宗淑妃
董氏

神宗淑妃
孫氏

高宗淑妃
張氏

太宗德妃
朱氏

淑妃生荆王元儼 元豐五年十一月詔故淑妃董氏
與恩澤四人令本家具名以聞以逮事仁宗生莊熒大
長公主故也 淑妃張氏初為御侍熙寧二年四月封
仁壽縣君三年正月進才人元豐八年四月進婕妤元
符三年正月進婉容崇寧五年九月卒贈淑妃諡曰懿
靜生賢恪長公主 淳熙七年十二月十三日詔德壽
宮婉儀張氏進封太上皇帝淑妃本位親屬官吏等推
恩有差

德妃宋會要

德妃朱氏淳化二年七月自御侍為縣君四年十一月
為才人至道三年三月於太和宮入道為脩容大中祥

符六年進昭容賜號明真大師名正惠七年進昭儀天禧二年九月進淑容乾興元年四月進淑儀改名冲惠明道二年十一月進太儀是月進賢妃景祐二年二月堯慶厯四年九月贈德妃

同上又大典卷一千七百二十三

宋會要

真宗德妃
劉氏

真宗德妃
沈氏

真宗德妃
沈氏

真宗德妃
俞氏

真宗大中祥符五年五月十一日制以脩儀劉氏為德妃令所司擇日備禮冊命仁宗慶厯四年九月三日制以真宗婉容沈氏為賢妃六日復進封沈氏為德妃德妃俞氏景祐五年三月自御侍延安郡君為才人九月進美人寶元二年六月進婕妤皇祐二年十月進充儀嘉祐八年三月進昭儀卒年月闕治平元年六月

董氏似
不誤查
帝系元
至貞前
六行莊美

宋史
仁宗德紀
楊氏

宋史
仁宗德紀
苗氏

定本宋宗

卷一百三十六

贈賢妃元符三年四月自賢妃贈德妃生楊王昉莊和
大長公主 德妃楊氏初入宮為美人景祐元年八月
出於別宅安置十月聽入道賜名宗妙居瑤華宮皇祐
二年十月為婕妤嘉祐八年三月進修儀熙寧五年十
二月卒贈賢妃元符三年四月贈德妃 嘉祐七年十
二月二十一日賢妃苗氏為德妃令所司備禮冊命
嘉祐七年十二月二十三日參知政事趙鼎為德妃冊
禮使樞密副使吳奎副之翰林學士賈黯撰冊文并書
冊印冊文曰皇帝若曰天文列星次妃亞軒龍之象周
官分職夫人擬公台之任朕奉若典訓率繇禮序故登
建嬪媛必先令淑助德理內其在茲乎咨爾賢妃苗氏

性資柔嘉體趾靜婉居循圖史之戒動顧珩璜之節頃
自魯館降嬪淑封進位而能飭躬彌約率德罔違曾微
私諛之謁益茂肅靡之美流徽壹則增光彤史宜及吉
時顯膺恩冊令遣使尚書禮部侍郎參知政事趙鼎副
使樞密副使左諫議大夫吳奎持節冊命爾為德妃於
戲惟謙畏所以杜奢盈之源惟柔順所以得輔佐之美
惟奉上以禮惟逮下以和克念有終則罔攸悔往欽休
哉不其慎歟 元豐元年詔賜德妃苗氏乞遇同天節
比類婕妤等親屬霞帔故有是詔

賢妃宋會要

賢妃高氏太平興國二年三月入宮三年三月為才人

太宗賢妃
邵氏

真宗賢妃
曹氏

至道三年七月為脩容進昭容大中祥符六年進昭儀
天禧二年九月進淑容乾興元年四月進淑儀卒年月
缺明道二年十月贈太儀慶厯四年九月贈賢妃 賢
妃邵氏初事藩邸及帝即位授司衣博陵縣君遷御侍
押班郡夫人再遷尚書_宮莫國夫人知大內事真宗初徙
封鄭國夫人大中祥符二年遷宮正安國夫人六年為
司宮令楚國夫人八年十一月加號順容九年二月卒
明道二年十二月贈太儀慶厯四年九月贈賢妃 賢
妃曹氏樞密院使檢校太師兼侍中贈魯王彬之女大
中祥符中為美人六年正月進婕妤天禧二年九月進
充媛乾興元年四月進修媛天聖四年六月卒明道二

真宗賢妃
陳氏

仁宗賢妃
杜氏

宋史
仁宗賢妃
苗氏

年十二月贈淑儀慶厯四年九月贈貴儀皇祐元年十月贈賢妃 賢妃陳氏初事藩邸為司衣至道二年卒於東宮葬沙臺寺咸平三年十月改葬普安院追號美人大中祥符八年正月贈昭儀乾興元年四月贈順容明道二年十二月贈淑容又贈太儀慶厯四年九月贈賢妃 仁宗慶厯四年九月六日進封杜氏為賢妃中書門下言近例封妃劄送學士院撰制詞更不錄宿不付閣門宣讀便寫告進入從之 嘉祐二年六月二十三日制淑妃苗氏為賢妃今所司備禮冊命妃生福康公主以主將出降李瑋故加妃命後免行禮

宋會要

神宗賢妃
周氏

定本太宗

神宗熙寧九年三月一日制婉容周氏進封賢妃令有
司備禮冊命三日命參知政事王珪為賢妃冊使元絳
副使翰林學士楊繪撰冊文并書冊印十四日內降賢
妃周氏冊印宰臣率百官班文德殿庭行禮冊文曰皇
帝若曰家邦風化之原必先內職之正嬪御典司之秩
無尚列妃之華上稽乾文特法四星之次外視官品盖
比三公之崇必推其人迺命以位眷言禁掖之媛逮事
祖先之庭懿範有聞勤誠無懈粵受顯冊厥惟舊章咨
爾婉容周氏早膺法相之求入踐宮闈之列材咨淑哲
性質溫和不動循環珮之音雅出衣冠之胄奉承陰教遵
訓誨於保阿臨襲閭儀服箴規於圖史外言罔入內則

彌彰昔生帝女之賢今位皇姑之貴肆加徽數庸示渙
恩遂擇日辰之良昭陳禮物之備令遣使禮部侍郎參
知政事王珪副使工部侍郎參知政事元絳持節冊命
爾為賢妃於戲周南戒飾於險諛漢史稱揚於肅雍惟
善慶足以降福祥惟為謙足以長富貴式永終譽不其
美歟 元豐元年詔賜賢妃周氏乞遇同天節比類婕
妤等親屬霞帔故有是詔

宋會要

元豐元年十二月三十日制以婉儀邢氏進封賢妃免
冊命上進告自是免行冊禮者並不書

宋會要

神宗賢妃
張氏

徽宗賢妃
楊氏

徽宗賢妃
王氏

宋史

高宗賢妃
潘氏

賢妃張氏初封安定郡君元豐八年四月為才人元符三年正月進美人崇寧五年七月卒贈脩容繼贈貴儀政和四年三月贈賢妃 賢妃楊氏崇寧元年二月封永嘉郡君三年九月進才人大觀二年二月進美人政和元年七月進脩容五年十二月卒贈賢妃生和王栻順淑公主 賢妃王氏大觀元年閏十月封平昌郡君二年正月進才人二月進美人四年五月進脩容政和三年閏四月進婉容重和元年十一月進賢妃生沂王栲冲惠公主

宋會要

高宗建炎元年詔潘氏進封賢妃四年詔月供賢妃以

下月料炭九百八十秤一半支本色餘拆支價錢十二
年婉儀張氏卒詔特贈賢妃

全唐文

宋會要

昭儀

昭儀鮑氏初封永嘉郡君元豐八年四月為才人元符三年正月進美入崇寧元年十一月卒贈昭儀 昭儀勾氏初封仁壽郡君元豐八年四月為才人元符三年正月進美人大觀二年二月進婕妤行政和六年贈昭儀 昭儀夏氏初為典閨建中靖國元年十二月封安定郡君政和三年六月進才人五年十一月卒贈昭儀

宋會要

淑儀

淑儀李氏淳化初為尚宮久在宮掖事無巨細悉主之四年卒贈昭儀明道二年十二月贈淑容慶歷四年九

月贈淑儀 淑儀吳氏右屯衛將軍延保之女太平興
國四年二月入宮五年為美人真宗初進昭容景德四
年卒明道二年十二月贈淑容慶厯四年九月贈淑儀

宋會要

克儀

克儀尚氏初為美人景祐元年八月於洞真宮入道皇
祐二年九月卒贈克儀治平以後無加封 克儀朱氏
初封沛國郡君元豐八年四月為才人紹聖二年七月
卒贈克儀

宋會要

貴儀

貴儀張氏初封仁壽郡君元豐八年四月為才人元符
三年正月進婕妤大觀二年二月進修容政和元年十

月卒贈貴儀

全唐文婉儀

中興會要

婉儀慕容氏

紹興十四年十一月九日內降制曰朕紹隆基緒撫御家邦有如淑女之賢夙幸秦陵之遇相典刑之猶在況年德之俱尊進位視恩揚庭乎號婉儀慕容氏稟資謙慎植志靜專訓廉待於姆儀動必遵於圖史暨預紫庭之選益昭彤管之輝藻鑒精明獨前知於聖母蘭心芳潔令娛侍於東朝雖眷禮之每加尚名秩之未稱是循彝制庸舉褒章積自九嬪之聯陞處四星之次增光壺則歸厚民風於戲思孝奉先實廣因心之愛近親貴老益推錫類之仁祇服寵榮永綏壽祉可特進位貴妃仍

令所司擇日備禮冊命

全唐文

宋會要 美人

吳美人太宗右屯衛將軍延保之女太平興國四年二月入宮五年為美人 臧美人江南李煜宮人煜卒入宮中太平興國八年九月自御侍為縣君端拱二年四月為美人 曹美人樞密院使檢校太師兼侍中贈魯王彬之女大中祥符中為美人 陳美人初事藩邸為司衣至道二年卒於東宮葬沙臺寺咸平三年十月改葬普安院追號美人 徐美人大中祥符元年自蘭陵郡夫人知尚書內省事時被疾帝以其在禁中及其未亟進封滕國夫人尋卒明道二年十二月贈才人慶曆

四年贈美人 方美人初封新安郡君天禧二年九月
為美人 王美人初封金城郡君天禧二年九月進為
美人 俞美人仁宗景祐五年三月自御侍延安郡君
為才人九月進美人 周美人仁宗嘉祐四年六月自
御侍安定郡君為美人

張美人

宋會要

美人

熙寧九年十一月詔魯國大長公主養母仁宗後宮延
安郡君張氏可特進美人 連美人初封馮翊郡君元
豐二年二月贈美人 林美人初為御侍元豐五年八
月封永嘉郡君六年十月為美人 武美人初為御侍
元豐五年八月進才人八年四月進美人 勾美人初
封仁壽郡君元豐八年四月為才人元符三年正月進
美人 鮑美人初封永嘉郡君元豐八年四月為才人
元符三年正月進美人 楊美人初封原武郡君元豐
八年四月為才人元符三年正月進美人 張美人初
封安定郡君元豐八年四月為才人元符三年正月進

美人 錢美人初封廣平郡君元豐八年四月進美人
出居瑤華宮入道賜名格非元符元年十月卒建中靖
國元正月追復美人朱美人初封南陽郡君元祐七年
三月卒贈美人 王美人初封壽昌郡君建中靖國元
年十月進美人 張美人初為御侍崇寧元年正月封
文安郡君三年十一月進美人 王美人崇寧三年九
月封平昌郡君四年閏二月進才人三月進美人 慕
美人初為御侍崇寧元年正月進才人大觀二年二月
進美人 魏美人初為御侍崇寧元年正月封安定郡
君大觀元年五月進才人二年二月進美人 王美人
大觀元年閏十月封平昌郡君二年正月進才人二月

進美人 高美人初為御侍崇寧元年正月封信安郡
君大觀二年二月進才人政和二年十月卒贈美人
胡美人初為御侍崇寧元年正月進才人大觀二年二
月進美人 韓美人初為御侍元符二年閏九月封仁
壽郡君十一月進才人大觀二年二月進美人 朱美
人崇寧三年九月封永嘉郡君大觀二年二月進才人
五年八月進美人 楊美人崇寧元年二月封永嘉郡
君三年九月進才人大觀二年三月進美人 陳美人
大觀元年五月封仁壽郡君八月進才人三年二月進
美人 崔美人初為御侍大觀三年正月封平昌郡君
十月進才人四年十一月進美人 韓美人政和二年

五月封壽昌郡君十月進美人 劉美人宣和三年五月封美人 馮美人紹興十六年五月詔典籍馮氏進封美人

宋會要

才人

孫才人左金吾衛大將軍守斌之女太平興國二年七月入宮三年為才人 高才人太平興國二年三月入宮三年三月為才人 朱才人淳化二年七月自御侍為縣君四年十一月為才人 沈才人真宗故相倫之孫光祿少卿繼宗之女大中祥符二年四月為才人 陳才人明道二年十二月自御侍追贈才人 苗才人景祐五年三月自御侍仁壽郡君為才人 朱才人初封沛國郡君元豐八年四月為才人 張才人初封平昌郡君元豐八年四月為才人 張才人初封仁壽郡君元豐八年四月為才人 宋才人熙寧二年十一月

為才人六年四月進婕妤 張才人神宗初為御侍熙

寧二年四月封仁壽縣君三年正月進才人 馮才人

初封治平郡君元豐八年四月為才人元符二年六月

進婕妤 郭才人初封淮陽郡君元符三年正月為才

人 劉才人初為御侍崇寧元年正月封晉安郡君大

觀二年二月進才人 夏才人初為典閤建中靖國元

年封安定郡君政和三年六月進才人 喬才人大觀

三年七月封永嘉郡君四年四月進才人生顯福公主

李才人政和四年二月封才人 王才人政和四年

六月封才人 韓才人紹興十三年六月九日詔宮正

韓氏進封才人 吳才人紹興二十二年五月十八日

詔新興郡夫人吳氏進封才人

戴順容

宋會要

順容

戴貴人真宗順容也定武軍節度使興之女入宮為貴人慶厯四年九月贈順容

均複出
補卷數
正

全唐文

宋會要

太祖置司簿司屬並封縣君太宗置尚宮及大監並知
內省事充內宣徽南院使兼承旨與司簿或封國夫人
郡夫人

郡夫人
宋會要

熙寧十年十月詔昌平郡夫人周氏先朝選置東宮保
視朕躬凡十餘年勤謹小心久而不懈今以壽終可贈
楚國夫人元祐元年五月詔典寶夫人龐氏特授司贊
夫人蓋以英宗皇帝隨龍保養荆王有勞故有是命八
月詔內人張氏特授典贊夫人以伴哲宗讀書於藩邸勤

謹不懈故也八年詔聽宣胡氏董氏等並特授掌簿夫人管幹尚書內省公事以直筆累年謹密無闕故也紹聖元年九月詔東陽郡夫人柳氏特追贈崇國夫人以入侍宮掖服勤累朝故也詔典言李氏追封華原郡夫人以李氏入宮七十餘年給事章懿太后洎仁宗誕生而供奉之勤著聞宮掖故也詔咸寧郡夫人任氏特授京兆郡夫人任氏以神宗皇帝隨龍李氏常在藩邸日侍從太皇太后故也建中靖國元年詔咸安郡夫人李氏特授溫國夫人仁壽郡夫人王氏特授溫國夫人仁壽郡夫人王氏特授成國夫人並以隨龍初遇大禮推恩故也崇寧元年五月詔以尚服張氏為景國夫人

人以昔在哲宗朝侍御服勤令徹几筵故加恩獎也三年正月詔衛國夫人步氏特授吳國榮壽夫人安定郡夫人董氏特授懿國夫人並以欽聖懿肅太后宮人執事服勤因大祥推恩政和元年六月詔同安郡君張氏封安康郡夫人皆隨龍人以正婦官換封故也 詔隨龍宮人故濟陽郡夫人王氏可特贈國夫人乾道元年十月詔隨龍平樂郡夫人張氏加封信國夫人皆隨龍被恩者也六年正月詔崇國夫人王從恭加封崇國柔明淑義和懿順穆夫人儀國夫人朱從仁加封儀國柔惠嘉淑靜懿夫人王從恭年八十七朱從仁年八十九並掌文字有勞故有是詔八月詔德壽和國夫人張氏

加封和國柔嘉夫人御前隨龍信國夫人張氏加封信
國明順夫人九年六月詔主管大內公事知尚書內省
事慶國夫人李從信兼提舉十閤分事知尚書內省事
齊安郡夫人張從先善主管大內公事加封惠國夫人

全唐文

宋會要 乳母

太宗陳國夫人耿氏始封鉅鹿郡夫人太平興國二年八月封陳國夫人八年正月卒太宗至道三年八月十七日封乳母齊國夫人劉氏為秦國延壽保聖夫人先是帝以漢唐封乳母為夫人邑君故事付中書省問宰臣呂端等曰斯禮可行否端等曰前代舊規斯可行也或加以大國或益之美名事出宸衷禮無定制故有是命真宗齊魯國夫人劉氏初封齊國夫人至道三年八月封秦國加號延壽保聖咸平元年九月卒進號成聖繼明天聖四年改號秦國肅明賢順至和二年追

封齊魯國夫人真宗荆楊國肅明賢順夫人劉氏元符
三年三月改封荆楊國真宗咸平元年九月三日秦
國延壽保聖夫人劉氏薨先是帝謂宰相曰朕有乳母
奉之如母近染疾堅請就外將理故令就高懷德舊宅
安泊如有不諱朕將親臨可乎咸言於禮無嫌及薨帝
臨喪廢朝三日命入內副都知秦翰護喪事遣諸親及
東宮舊給使輩以次奠哭十一日帝制服哀於苑中群
臣奉慰十月二十四日葬于奉先寺前一日車駕臨奠
葬日輟朝給鹵簿鼓吹時將發哀人以太宗喪始期頗
疑其事令有司詳定禮官奏議曰書稱高宗諒陰三年
不言孔安國曰既卒哭即位除絰麻聽於冢宰以終三

年至漢文帝即位乃革三年之制以日易月二十七日
除服心喪終制開寶通禮云先遠重喪後遭輕喪皆為
制服往則服其輕反則服其重又云皇帝為孔母總麻
三月按喪葬人皇帝為總麻一舉哀而正服伏以秦國
夫人保傳聖躬綿歷星紀遽茲淪謝宜備哀榮況太宗
上仙已終易月之制而聖躬念往當用舉哀之文酌於
人情允符典禮遂從之寶元二年四月九日太宅使兼
州團練使郭承祐奏自宣魏國夫人入內以永聖保壽
賜名今魏國即已即世諸事當悉如舊晉國夫人陳氏
內外傳言特繼永聖之例乞宣諭大臣自今後依先朝
舊式更不添創名職永為定制帝曰宮中之事自有皇

后餘局各有主者美人亦不令見人蓋不欲別生頭項
對曰皇后母儀天下規範六宮如此正合其理禁中自
然肅靜帝曰承祐之奏並依劄與入內侍省至和二
年八月二十二日秦晉國肅恭賢正夫人沐氏年帝成
服於苑中報視朝三日宰臣率百官奉慰仁宗燕國
夫人錢氏天禧二年九月封為安吉縣君進封榮國夫
人至和二年追封燕國夫人仁宗秦晉國夫人林氏
天禧五年四月始封福昌縣君乾興元年四月進封南
康郡夫人天聖六年十月進封國佚晉國加號慈壽福
聖慶厯元年十二月進韓國賢和祐聖益秦晉二國更
號永壽祐聖又號肅恭賢正至和二年八月卒贈秦晉

元符三年
三月改封吳
趙國真恭
宗九
右宮南聖
夫人

國祐賢肅聖夫人 仁宗吳越國夫人許氏先出嫁苗

繼宗天聖二年四月遷車駕自陳詔封臨穎縣君補繼

宗石班殿直尋封高陽郡夫人景祐元年十一月進宗

國四年六月進齊國五年二月加永聖保壽之號肅月

進魏國寶元二年三月卒詔輟視朝三日帝為制服發

哀追改號肅成賢穆至和二年二月贈吳越國夫人同元符

崇國夫人戴氏嘉祐二年五月自尚服追封燕翼國肅

成賢穆夫人許氏元符三年改封燕翼國

先為宮人所護出嫁苗
繼宗及是自陳復入宮英宗徐國仁良懿恪夫人賈

氏治平四年三月封韓國夫人元符三年三月追封徐

國夫人仍賜諡仁良懿恪 神宗燕魯陳國兩朝佑聖

改封燕
翼國
百五十八

安仁保慶榮壽體慈履順太夫人張氏初封永康縣君
治平四年三月追封崇國夫人熙寧八年二月封魏國
加號安仁保佑元豐八年四月封秦晉國安仁保佑夫
人元祐二年六月封吳越國加號安仁賢壽元符三年
正月封韓魏國加號保聖賢慈安仁賢壽惠和建中靖
國元年四月封西朝佑聖太夫人品秩視貴妃崇寧二
年二月改封兩朝佑聖安仁保慶榮壽太夫人五年十
二月薨大觀元年正月贈燕魯陳國太夫人增體慈履
順四字謚曰恭懿神宗元豐三年九月八日詔魏國
安仁保佑夫人張氏自今遇大禮增奏親屬恩澤一人
仍歲加賜冠帔三道哲宗元祐二年六月二日詔神

宗皇帝乳母秦晉國安仁保佑夫人張氏守陵回特封
吳楚國安仁賢壽夫人八月五日詔以奉先寺後室營
地半賜安仁賢壽夫人張氏為壽堂其制度悉放仁宗
皇帝乳母林氏之制詔後許張氏買壽堂北民間地二
段及賜官地一段仍詔張氏本閤許置房楹為壽堂費
用四年十一月六日詔慶國夫人竇氏今遇明堂可依
例許封贈三代十八日詔慶國夫人竇氏每遇明堂大
禮特許奏有服親一名恩澤紹聖二年十一月八日魏
國福康惠佑夫人竇氏奏蒙恩進封欲乞與姪竇晞古
等推恩詔竇晞古特與三班借職三年六月十一日魏
國福康惠佑夫人竇氏言本泣華官張遇等四人到任

歲久備見勤勞乞依吳楚國安仁保佑賢壽夫人張氏
例各與轉官一等仍舊祇應從之元符三年歲宗即位
詔神宗乳母進封韓魏國保聖贊慈安仁賢壽惠和夫
人建中靖國元年四年詔日錫名十字疏地兩邦曾未
足以稱萬一而厭予志也是用度越舊章發揚顯號峻
超列品增昇大名寵膺報禮之隆益介壽祺之水遂以
為兩朝佑聖太夫人品秩視貴妃 哲宗韓燕國靖德
保順勤惠肅穆夫人竇氏元豐八年四月封安康郡夫
人元祐四年三月封慶國夫人詔聖二年十月封魏國
加號福康惠佑元符三年正月詔以先帝寢疾彌留尚
隱蔽不以開降扶風郡夫人建中靖國元年五月復魏

國夫人崇寧元年正月封楚越國加號妣德保順四年

三月辛贈韓燕國加勤惠肅穆四字安平縣君王氏紹

興元年九月自陳元豐二年蒙收入皇太妃閣常有乳

抱之勤元豐三年放出望封一縣君詔特封安平縣君

月給錢五十徽宗燕越國安仁順懿靜和恭恪夫人

劉氏元符三年二月封安康郡夫人建中靖國元年三

月封榮國夫人十二月封秦國夫人加號安和順懿大觀

二年二月封燕國加號安和順懿恭恪政和六年十二

月進封越國加號安和順懿靜和恭恪七年正月改安

和字為安仁邠充國康靜恭懿惠穆夫人王氏元符

三年二月封和義郡君四月封安定郡夫人建中靖國

元年三月封嘉國夫人十二月封楚國號康靖惠恭大
觀二年二月封魯國加康靖惠恭懿穆政和元年五月
封魯國加康靖順和懿穆三年五月卒贈邵充國易今
號徽宗崇寧四年七月五日詔初供奉御乳人管氏
持封縣君月支料錢五貫以管氏自陳先於欽慈皇太
后殿備月權乳遇皇帝降生首進御乳故也八月七日
又詔管氏每月添料錢一十五貫文以管氏陳乞依神
宗朝司飾劉氏等例入內祇應故有是詔五年十二
月兩朝佑聖安仁保慶榮壽太夫人張氏薨詔許特予
苑中治具車駕臨奠輟朝三日大觀元年正月以鹵簿
鼓吹葵是日車駕為出郊駐蹕于崇福隆壽禪院贈燕

陳國大夫人謚恭懿崇寧中即壽堂建院賜金額高
宗紹興五年五月十一日詔壽國柔惠淑婉夫人王氏
特授壽國柔惠淑婉育聖夫人慶國柔懿淑美夫人吳
氏特授慶國柔懿淑美保慈夫人並依祿式支破諸般
請給九年八月六日詔故慶國柔懿淑美保慈夫人吳
氏特贈慶國柔懿淑美靖肅保慈夫人九月二十四日
詔壽國柔惠淑婉育聖夫人王氏特授壽國柔惠淑婉
和懿慈穆育聖夫人依祿或支破諸般請給二十年二
月二日詔壽國柔惠淑婉和懿慈穆育聖王夫人位官
吏諸色祇應人自到任未曾陳乞推恩各持轉一官資
六月十五日詔故壽國柔惠淑婉和懿慈穆育聖夫人

王氏特贈福壽國柔惠淑婉和懿慈穆育聖夫人仍賜
絹二千匹錢一萬貫充救荒使用七月十四日詔故壽
國柔惠淑婉和懿慈穆育聖夫人王氏本位官吏可特
轉兩官資 三十二年孝宗即位未改元八月二十七日詔隨
龍妣周氏特崇國夫人依祿式支破諸般請給十一月
十五日加封崇國慈良保佑賢壽夫人十二月十四日
光乾道二年九月二十一日贈崇國慈良保佑賢壽柔
嘉靜莊夫人 孝宗乾道二年九月二十一日詔故乳
母紅霞帔孫氏特贈柔靖夫人 淳熙十六年三月九
日詔隨龍乳母張氏特封吉國柔明慈惠夫人依祿式
支破諸般請給紹熙三年三月二十四日加封吉國柔

明慈惠淑謹和順端懿夫人十一月十日詔故乳母新
安郡夫人徐氏特贈寧國夫人

宋會要 內職

宋朝承舊制皇后之下有貴妃淑妃德妃賢妃昭儀昭容昭媛修儀修容修媛充儀充容充媛婕妤美人才人舊有寶林御女采女目朝不置太祖置司簿司賓並封縣君樂使並賜裙帔太宗置尚宮及大監並知內省事充內宣徽南院使兼承旨與司簿或封國夫人郡夫人實省尚食封縣君司寶司儀司給封郡君縣君樂使之下增副使改內省為尚書內省令尚宮大監並號尚書改祇候人為御侍衣服為司衣梳篋為司飾枕為司寢湯藥為司藥樂使副使為仙韶使副使弟子呼供奉置直筆書省主事改茶器為翰林局掌御閣為直閣掌宮

門為直門掌燈火為掌燈掌從物為宜仗針線院為裁縫院令司簿兼掌寶司言兼監班司儀兼承宣掌寶司儀及仙韶使副使封縣君司記知尚書內省公事皆賜以君帔真宗置宮正司籍司樂司贊司珍司膳典寶典言典贊尚儀尚功尚服尚食尚寢司闈司仗司醢司饔司正司設司輿司苑司製司絲樂長引客御侍行首押班殿直散直行首都行首輦頭知書省之名景德二年增置太儀大中祥符二年特置貴人六年增置淑儀淑容順儀順容婉儀婉容在昭儀之上司宮令一員在尚宮之上仁宗乾興元年置貴儀在淑儀之上凡內命婦品貴妃淑妃德妃賢妃夫人正一品太儀貴儀淑儀淑

內外命婦品

嫔客如左

宮女官
職員

容順儀順容婉儀婉容昭儀昭容昭媛修儀修容修媛
充儀充容充媛嬪正二品婕妤正三品美人正四品才
人正五品貴人無視品宮人女官品六尚書正五品二
十四司司正彤史正七品二十四掌正八品女史流外
九品凡宮人女官職員尚宮二人掌導引皇后管司記
司言司簿司闈仍總知五尚須物出納等事司記二人
掌在內諸司文書入出目錄為記審訖付行監印等事
其佐有典記掌記各二人女史六人司言二人掌宣傳
啓奏事其佐有典言掌言各二人女史六人司簿二人
掌宮人名簿廩賜之事其佐有典簿掌簿各二人女史
六人司闈六人掌宮闈管籥之事其佐有典闈掌闈各

六人女史四人尚儀二人掌禮儀起居管司籍司樂司賓司贊事司籍二人掌經籍教學紙筆几案之類其佐有典籍掌籍各二人女史十人司樂四人掌音樂之事其佐有典樂掌集各四人女史二人司賓二人掌賓客參見朝會引導之事其佐有典賓掌女史各二人司贊二人掌禮儀班序設版贊拜之事其佐有典贊掌贊女史形史各二人尚服二人掌司賓司衣司飾司仗之事司寶二人掌珍寶符契圖籍之事其佐有典寶掌寶二人女史共四人司衣二人掌御衣服首飾之事其佐有典衣掌掌衣各二人女史四人司飾二人掌膏沐巾櫛服玩之事其佐有典飾掌飾女史各二人司仗二人掌仗衛

兵器之事其佐有典仗掌仗女史各二人尚食二人掌
知御膳進食充嘗司膳司醢司藥司醢事司饌二人
掌饌羞器血之事其佐有典膳掌膳女史各四人司醢
二人掌酒醢之事其佐有典醢掌醢女史各二人司藥
二人掌醫藥之事其佐有典藥掌藥各二人女史四人
司饌二人掌宮人食及柴炭之事其佐有典饌掌饌各
二人女史四人尚寢二人管司設司興司苑司燈事司
設二人掌帷帳牀褥枕席洒掃鋪設之事其佐有典設
掌設各二人女史四人司興二人掌興綴扇羽儀之事
其佐有典興掌興女史各二人司苑二人掌園苑種植
蔬果之事其佐有典苑掌苑女史各二人司燈二人掌

燈油火燭之事其佐有典燈掌燈女史各二人尚功二
人掌女工管司制司珍司綵司計事司製二人掌裁縫
衣服纂組之事其佐有典製掌製各二人女史四人司
珍二人掌金玉珠寶財貨之事其佐有典珍掌珍各二
人女史六人司綵二人掌錦文絲綵絲紵之事其佐有
典綵掌綵各二人女史六人司記二人掌支度衣服飲
食柴炭雜物之事其佐有典計掌計各二人女史共四
人宮正一人掌總知宮內格式糾正雅司之事司正二
人掌同宮正其佐有典王女史各四人內職雜錄真宗
景德二年七月三日以雍王元份疾帝親視之問以母
氏早亡得無永感元份頓首泣謝翌日詔置太儀以贈

王份母任氏焉舊制親王母為太妃公主母為太儀時
不欲有妃號故也 大中祥符六年正月二十八日詔
曰朕以祗嗣慶基交修茂則眷言壺教實繫國風辨彤
管之等威既存於舊制益紫庭之位號亦著於前聞爰
考典章用新班秩垂茲憲度屬在隆平今增置淑儀淑
容順儀順容婉儀婉容並從一品在昭儀之上可著之
甲今以為永式時將加恩太宗高昭儀減昭儀故也
二月一日詔曰朕以宮壺之間各分事任班序之祭風
著等威爰按舊章肇新明制增其常秩創以佳名所冀
彤管承榮聿彰於茂渥紫庭並職彌振於宏綱今特置
司宮令一員正四品班在尚宮之上著于令式以為永

規時以宮正邵氏久在宮掖掌事故特增置於加恩也
七年六月十八日封婉儀楊氏為淑妃帝不欲藩臣
貢賀故不降制外庭止命學士草制付中書翌日宰臣
言宮掖加恩朝廷慶事臣下不可闕禮望令客省依例
受貢賀帝勉從之 乾興元年仁宗即位未改元四月
三日詔曰朕仰紹鴻基均覃渙號眷惟宮掖建事先朝
茂渥方行徽章溥及其有恭勤顯著位秩已崇所宜別
建嘉名用旌懿行今增置貴儀在淑儀之上時以加恩
太宗減淑儀故也 景祐元年八月十五日詔曰朕祇
紹慶基務敦靜治每遵勤儉用洽冲寧至於宮掖之中
嬪侍之列雖僅克於儀職而靡厚於寵私頃以中闈有

虧善道降處次妃之位仍從別館之居尚過禁宸未叶
彛制郭氏宜於外宅居止更不入內美人尚氏昨由下
陳列於近侍素非令善但肆驕矜特貸刑章令於洞真
宮披戴永不入內美人楊氏自居左右靡貽箴規宜令
出內別宅安置長秋之重陰敷教是宣顧厥位以難虛
必惟賢而是擇當求德閥以稱坤儀屬於勲舊之家兼
咨冠甲之族將行聘納式助烝嘗曩者母后垂簾廣示
慈愛遂有臣僚戚屬進獻女口入宮留處掖庭頗彰物
論宜並放出朕常思恬素動守端莊固於聲色之間絕
無溺惑之意每觀古籍備鑒前修上或恣於耽荒下必
爭於寵幸虧德敗度莫甚於茲固深念於防閑弗暫忘

於規戒自此八月之姜無事於訪求九御之班庶臻於
簡肅咨爾宰府克轉輔善猷 皇祐二年十月十九日
昭容苗氏特授淑儀 舊例內命婦官告並稱宜特進
封至是中書門下議改稱特授後遂著例 神宗熙寧
四年六月十八日岐國賢壽夫人朱氏奏昨以老病恩
許於開聖尼寺養病今得安痊復見宮省本位使臣祇
應人等乞賜推恩從之上語密院曰此真宗皇帝子周
王乳母也百歲而耳目聰明宮中無先之者可特聽許
宮人有疾甚者出之比其丘尼寺十亡八九上閱其然
著為條約使太醫治病歲終計其全失而誅賞之是所
全活者多矣朱氏乃其一也 七年四月三日詔婕妤

宋氏遇同天節賜親屬霞帔三道自今為例 八年四月二十九日詔妃嬪每三歲許奏乞同宗或異姓有服親合入差遣一次先是妃嬪陳乞無定法故立此制 九年九月十六日詔喬氏特封掌綵劉氏特封掌設以給侍太皇太后四十餘年最為勤舊故有是詔 十年六月一日詔典言李氏追封華原郡夫人 以李氏入宮七十餘年給事章懿太后洎仁宗誕生而供奉之勤著聞宮掖故也 十月十二日詔平昌郡夫人周氏先朝選置東宮保視朕躬几十餘年勤謹小心久而不懈今以壽終贈楚國夫人 元豐元年五月十五日詔賜婕妤賢妃親屬霞帔各五道美人二道仍著為例先

是得妃苗氏賢妃周氏美人張氏乞遇同天節比類婕
妤等親屬霞帔故有是詔 四年五月十七日詔洞真
宮女道士楊易行特補充本宮法正仍賜號志靜大師
以元係仁宗皇帝嬪御故也十二月二十五日詔司設
吳氏特授尚宮以景祐初承事章惠皇太后繼事太皇
太后垂五十年故有是命 五年正月九日詔典贊吳
氏典記李氏典綵張氏各特進位一等以給事太皇太
后歲久故也 十一月十一日詔故淑妃董氏與恩澤
四人令本家具名以聞以達事仁宗生莊夷大長公主
故也 八年四月十二日詔咸寧郡夫人任氏特授京
兆郡夫人典寶李氏特授司記任氏以神宗皇帝隨龍

高宗東
郡夫人柳氏
特追贈崇
國夫人以入
侍宮掖服勤
勞累初故也
○十月
右添言至

李氏嘗在藩邸日侍從太皇太后故也 哲宗元祐元
年五月九日詔典寶夫人龐氏特授司贊夫人龐氏以
英宗皇帝隨龍保養荆王有勞故有是命 八月十七
日詔內人張氏特授典贊夫人以伴哲宗讀書于藩邸
勤謹不懈故也 三年九月十一日詔聽宣胡氏並特
授掌簿夫人管幹尚書內省公事以宜筆累年謹密無
闕故也 七年五月二十三日詔聽宣夫人李氏特授
掌簿夫人以管幹內庫有勞故也 紹聖元年九月十
二日詔皇太后殿典寶朱氏為司寶掌闈董氏為司正
掌籍閭氏為典言掌設丁氏為典寶聽宣李氏為掌飾
宮人薛氏為掌珍李氏為掌膳吳氏為掌醢皇太妃殿

今依條施行是者
言此妃嬪三
年許陳乞有
服親差遣
七條以上

宮人畢氏為掌賓張氏為掌製以御批兩殿宮人久在
左右可特與遷補故也 二年四月十九日詔今後諸
妃嬪陳乞本位使臣申入內侍省契勘保明中尚書省
先是吏部請妃嬪陳乞有服親差遣者委本位使臣
申朝廷下內侍省再行保明方得施行故有是詔 三
年四月三日詔美人武氏進封婕妤充儀陳氏追贈貴
儀以大寧郡王及上出閣故也 五年三月二日詔才
人引用妃嬪條陳乞有服親差遣一次吏部已用近例
施行天聖內命婦品職令才人不在妃嬪品內合行改
正故有是詔 元符二年五月二日詔宮人景氏等特
與遷補景氏掌言裴氏掌贊張氏掌設勾氏籍吳氏掌

綵蕭氏掌樂劉氏掌輿皆以久侍皇太后故特命之

二十九月詔華王保睦王偲幼喪所生母才人馮氏乃
王之所養母實自襁褓悉心撫養適以並建王爵出奉
外朝例令改封少報勤劬可特進封婕妤 三年正月
二十四日降哲宗皇帝乳母魏國福康惠祐夫人竇氏
為扶風郡夫人樂安郡夫人李氏為隴西郡君永嘉郡
夫人陳氏為潁川郡君司闡馬氏為掌闡司正白氏為
典正司贊王氏為典贊才人韓氏為紅霞帔以哲宗皇
帝弥留侍疾無狀及蔽匿不以聞故也 四月一日贈
仁宗司正曹氏為華原郡夫人神宗尚宮楊氏為榮國
夫人京兆郡夫人任氏為成國夫人 十二月二十七

日詔內命婦降生皇子許依大禮奏有服親三品以上
三人著為令 徽宗建中靖國元年四月八日詔宮人
孫氏特授掌闈王氏特授掌賓 六月八日詔尚儀楊
氏特授安康郡夫人掌設張氏特授典賓任氏特授掌
記郭氏特授掌言並以隨龍推恩 十二月二日詔咸
安郡夫人李氏特授溫國夫人仁壽郡夫人王氏特授
成國夫人典闈夏氏特授安定郡君掌賓王氏特授典
言掌闈孫氏特授典記宮人王氏特授掌賓崔氏特授
掌贊並以隨龍初遇大禮推恩 崇寧元年五月十三
日詔以尚服張氏為景國夫人司正白氏為尚儀司記
孟氏為尚服典闈馬氏為尚功隨龍曹氏為掌設花氏

為掌珍王氏為掌綵張氏為文安郡君魏氏為安定郡
君高氏為信安郡君劉氏為善安郡君紅霞帔張氏為
永嘉郡君張氏為仁壽郡君以昔在哲宗朝翊贊保護
侍御服勤今徹几筵故加恩獎 二年正月十四日詔
魏國夫人步氏特授吳國榮壽夫人安定郡夫人董氏
特授儀國夫人司言閭氏特授司宮典飾李氏特授司
贊典言景氏特授司飾並以欽聖憲肅太后宮人執事
服勤因大祥推恩 三年三月十七日詔宮人王氏特
授掌籍 九月五日詔宮人孫氏特授仁壽郡君 二
十三日詔掌賓王氏特授永嘉郡夫人郭氏特授掌言
二十四日詔聽宣劉氏特授典記 十一月十八日

詔典記劉氏特授尚儀並以隨龍推恩 四年八月詔
楊氏追贈賢妃以及事禧陵潛藩故也 政和元年二
月十六日詔以司言張氏為尚儀典記徐氏為尚服典
籍王氏為司簿典賓王氏為司飾宮人劉氏為掌闈喬
氏為掌製李氏為掌言張氏為掌贊楊氏為掌賓王
氏為掌記陳氏為掌樂郭氏為掌輿任氏為掌饔餼以
皇后受冊禮畢推恩本閤宮人故也、四月二十五日
詔才人喬氏進封合得親屬恩澤可特與親兄白身進
士昇補三班借職 五月二十詔宮人魯國安人惠和
夫人李氏昨過冬祀大禮特與依魏國惠和康祐夫人
薛氏例封贈三代 十五日詔隨龍宮人故濟陽郡夫

人王氏可特贈國夫人 六月二十四日詔安定郡君
夏氏封才人同安郡君張氏封安康郡夫人皆隨龍人
以正婦官換封故也 七月十六日詔美人楊氏以降
誕皇子特進封修容 十一月十日詔婕妤韓氏以誕
育帝姬可封修容其親屬及本位使臣諸色人推恩有
差 二十六日詔婕妤勾氏美人魏氏昨遇冬祀大禮
合得親屬恩澤並回授逐位使臣 二年二月十九日
詔婉容崔氏降誕皇子其親屬並祇應使臣等推恩有
差 四月五日詔修容楊氏昨遇冬祀大禮合得親屬
恩澤依所乞回授與本位使臣 十月二十八日詔壽
昌郡君韓氏以降誕皇子可進封為美人 三年四月

三日詔宮人典贊劉氏為司言以哲宗隨龍宮人故也
五月二十八日手詔曰先王之政自家刑國自內及
外惟我祖考董正治官分建百職總核萬事然乘五代
之亂循襲舊制名不稱實惟我神考外設六聯分職三
省各有常守而宮闈內官尚或沿襲有所未暇朝夕惟
念內外家國理當一體則有條而不紊機政之暇因考
古釐改俾各遵承永為定制尚書內省內宰二人副宰
四人總正六司使率其屬以聽內治掌外省六曹所上
之事都事六人主事六人錄事十二人令史十二人書
令史二十四人書史二十四人內省六司司治視吏部
職事官內史一人治中一人吏令史二人書令史四人

書史六人司教視戶部職事官內史一人治中一人吏
令史二人書令史四人書史六人司儀視禮部職事官
內史一人治中一人吏令史二人書令史四人書史六
人司政視兵部職事官內史一人治中一人吏令史二
人書令史四人書史六人司憲視刑部職事官內史一
人治中一人吏令史二人書令史四人書史六人司膳
視工部職事官內史一人治中一人吏令史二人書令
史四人書史六人四年正月四日詔依禮劄局擬定
諸妃告身綾紙四妃用雲龍貴儀至婉容用葛品駑駘
儀至充媛用蘭燕婕妤至美人用苻魚內命婦告告身
綾紙內宰副宰用遍地雲鳳宮正尚宮內史郡夫人治

中用雲朶鳳凰夫人用遍地雲鶴寶林至掌樂管幹仙
詔公事用朶 七月四日詔於宮城西北隅創建館宇
專充掖庭宮人養疾之所以保壽粹和為名仍差同知
入內內侍省事李穀提舉所有羗置官屬胥徒選醫治
療典掌湯劑立考覈殿最之格核存亡勸沮之法並抑
提舉所條具聞奏先是宮人疾患例於妙法廣福之寺
醫治見至鮮有生者蓋尼徒上下率其物故喪葬賻贈
及其私財上知其弊故有是詔 九月二十六日手詔
創建保壽粹和館已設官置吏肇新條式可自今年十
月一日奉行新法更不往廣福妙法等院其見在逐院
者仰一面結絕不候覆奏十一月七日手詔此者創修

保壽粹和館充掖庭宮人養疾之所建宮設屬一新條
法革去尼寺宿弊又選擇良醫治其沉痾仍置典掌劑
療人以供藥餌庶無夭枉之患尚以管幹養病使臣未
能革心利於必死覲有厚利未副仁政之本意可自今
第六等已下養病使臣若病人亡歿即時申入內侍
省并提舉保壽粹和館所別差官管幹殯葬 五年五
月一日詔修容韓氏父武節郎中立特依初遇大禮例
贈右武衛將軍 六月十三日婕妤劉氏以降誕皇
子其父及親屬推恩有差 六年三月十六日詔宮人
魯国安仁惠和夫人李氏乞歸道宇修養可依所請 時
賜悟真冲道先生法名見素 八月四日婕妤勾氏特贈

昭儀以熙豐嬪御故也 七年三月四日詔隨龍宮人
楚國仁壽夫人王氏加號仁壽惠和夫人 八年六月
二十八日內出手詔曰神考嬪御貴妃宋氏自熙寧初
誕育皇嗣年德彌邵譽藹掖庭遽爾淪謝殊用傷惻可
依例賜二字謚并依貴妃苗氏合得恩澤七人外更添
三人以称朕思親眷舊之意 宣和五年十二月二十
九日以岳陽軍節度使王舜臣乞致仕手詔獎諭王貴
妃 七年八月四日詔婕妤王氏隆誕親屬可依下項
推恩親叔起復朝散大夫試殿中監王義叔親娣之夫
武節開德府兵馬鈐轄士漬承節郎鄆陵縣巡檢郝誦
各與轉行一官親叔迪功郎新授守大理司直王義叟

迪功郎新授滑州司儀曹事義佐親兄從事郎監登聞
檢院瑄迪功郎沂州司刑曹事璘親弟從事郎汝州司
刑曹事球並與改合入官親弟白身瑗琚璽並與補迪
功郎 十二月二十一日保壽粹和館官吏並罷宮人
依舊法往尼寺養病地歸軍器所 欽宗靖康元年六
月一日詔道君皇帝妃嬪並以龍德宮妃嬪為祔 高
宗建炎元年六月詔潘氏可進封賢妃 九月四日詔
榮國柔惠夫人郭氏永嘉郡夫人王氏宜春郡夫人孫
氏位祇候使臣諸色祇應人等依和國王夫人例支破
身分驛券諸般請給以扈從隆佑皇太后故也 四年
六月二十九日詔才人張氏可封婕妤 十一月二十

四日詔月供賢妃以下月料炭九百八十秤一半支本色餘折支價錢 十二月十六日詔永嘉郡夫人王氏可特賜名從恭咸安郡夫人蘇氏賜名從溫並轉國夫人除知尚書內省事諸般請給依祿式支破 同日紅霞帔李氏馬氏與轉掌字殿直王氏文氏邢氏吳氏李氏王氏並與轉聽宣魏氏趙氏張氏王氏解氏李氏董氏王氏並與殿直 紹興二年八月二十七日主管大內公事知尚書內省兼提舉十閤分嘉國懿康惠徽夫人朱氏遺表乞依例推恩官吏并諸色人詔各特與轉一官資內白向身人侯有召目收使 二年四月二十一日詔哲宗皇帝房院美人慕氏魏氏並特轉婕妤依祿

式支破諸般請給以昭慈聖獻皇后祥除故有此詔典
飾郭氏特轉尚字典寶蘇氏典衣宋氏並轉司字紅霞
帔宋氏轉掌字紫霞帔張氏王氏並轉紅霞帔張氏特
與紅霞帔曾氏與轉殿直五年閏二月五日詔主管大
內公事知尚書內省兼提舉十閣分潤國莊淑惠徽夫
人張從義與轉兩字主管大內公事知尚書內省兼提
舉十閣分崇國夫人王從恭與轉四字依祿式支破諸
般請給同日司飾張氏與轉宮字典賓馬氏與轉尚字
紅霞帔楊氏與轉典字典紫霞帔王氏紅霞帔趙氏李氏
並與轉掌字司設何氏與轉尚字典紫霞帔宋氏與轉紅
帔

五月二十六日詔主管大內公事知尚書內省事

宜春郡夫人朱從仁可特授儀國夫人依前主管大內

公事知尚書內省事 同日紅霞帔李氏特授典籍司

賓張氏特授宮正 十五年五月十九日詔紅霞帔李

氏特轉掌字十六年二月二十三日詔紅霞帔黃氏轉

掌字紅霞帔黃氏郭氏特轉典字五月二十八日詔

紅霞帔唐氏特轉典字紅霞帔王氏轉掌字十七年十

二月二十一日詔紅霞帔陳氏特與封永嘉郡夫人

八年七月三日詔紅霞帔鄭氏李氏並轉典字 九月

十三日詔典賓素氏與轉尚儀紅霞帔王氏與轉典

賓紅霞帔趙氏與掌衣 十二月二日詔張氏與轉掌

字九日詔掌記黃氏特授典樂掌衣李氏特授典醢紅

霞帔張氏特授典綵十九年二月二十七日詔典飾
唐氏特與轉尚儀紅霞帔李氏特與轉掌琮二十
年二月十五日詔司記朱氏特與轉宮記典籍郭氏與
轉司籍掌綵王氏與轉典綵掌言李氏與轉典言尚衣
王氏與轉典衣紅霞帔劉氏與轉典綵紅霞帔周氏與
轉典與七月十八日詔典賓王氏與轉尚儀紅霞帔
張氏與轉典記王氏與轉典賓二十一年六月二十
三日詔典賓張氏與轉宮字二十二年九月十一
日詔紅霞帔崔氏特轉典製張氏特轉典珍四日詔典
字黃氏特轉司記紅霞帔楊氏特轉典賓馮氏特轉典
簿鄭氏特轉典闡王氏特轉典籍董氏特轉典樂紫霞

帔王氏特轉掌贊張氏特轉掌言 三十二年詔書有

張氏特與轉聽宣 十年十二月三十日詔婕妤張氏

可轉婉儀 十二年二月六日卒十五日詔特贈賢妃

十七日詔本位官可特各轉兩官內郎鄧殖轍梁璋並

階官遙郡上各轉行一官張去為馮觀並遙郡上轉行

黎琦皆官上轉行陳誠之莫鉞各轉兩官內合寄資者

依舊寄資親弟張萃與轉三官姪張子晉張子習各補

承信致主管文字使臣并諸色祇應人各與轉兩官資

礙止法之人依條支賜令戶部支本色 十三年六月

九日詔宮正韓氏進封才人 九年三月二十五日為

紅霞帔十年九月二十七日轉宮正 十四年九月七

詔先降指揮封才人可更不施行 十四年十一月九

日制婉儀慕容氏可特進賢妃仍令所司擇日備禮冊

命先是上宣諭轉輔臣曰婉儀慕容氏頗有賢德年餘七十見娛待太后可進位賢妃故降制焉辭不受冊

二十二年九月一日詔特贈貴妃 十六年五月十

日詔典籍馮氏進封美人十二年正月二十六日為紅

霞帔十三年六月九日轉典籍二十八年七月十四日

詔可令歸家自便本閣官吏等並發遣歸合屬去處官

告令有司毀抹 十八年三月二十四日詔知尚書

內省事安康郡夫人李氏從謹與轉圉夫人直筆宮正

何氏賜名從信除知尚書內省事與轉郡夫人 閏八

月七日詔直筆尚儀楊氏特授信安郡夫人知尚書內
省事賜名從義 十二月二日詔何從信除主管大內
公事知尚書內省事與轉國夫人王氏除知尚書內省
事與轉郡夫人賜名從敏 二十六年十一月十九日
詔知尚書內省事信安郡夫人楊從義除主管大內公
事與轉國夫人直筆司字呂氏除知尚書省事與轉郡
夫人賜名從禮三十二年閏二月二十七日詔知尚書
內省事南昌郡夫人王從敏除主管大內公事與轉國
夫人典字李氏除知尚書內省事與轉郡夫人賜名從
貞 十九年二月二十七日詔尚儀素氏可特授宜春
郡夫人 二十二年五月十八日詔新興郡夫人吳氏

進封才人

十年九月二十七日為紫霞帔十三年六

月九日轉紅霞帔十九年十二月二十日封新興郡夫

人二十八年七月十四日詔可令歸家逐便本闕官吏

等並發遣歸合屬去處

十一月二十九日吏部言賢

妃慕容氏上遺表姪孫宗興乞與使臣內安排依格合

補承信郎從之

十二月三日詔才人劉氏祖母耿氏

特封郡夫人同日詔才人吳氏母裴氏特封齊安國夫

人二十三年九月四日詔婉容劉氏母故永嘉郡夫

人李氏特贈榮國夫人

二十四年正月二十四日制

婉容劉氏進封貴妃仍令所司擇日備禮冊命辭不受

冊十年九月二十七日為紅霞帔十三年六月九日轉

司記十六年五月十日封才人十七年二月十五日進
封婕妤二十二年五月十八日進封親屬二十四年
二月二十四日詔進封親屬并本位官吏依例合行推
恩叔保義郎閤門祇候勲與轉兩官忠翊郎願特除閤
門祇候僧悟正與補左街僧錄第允升特於遙郡上
轉行兩官侯服闋日收使堂第承節郎允中承信郎允
恭各與轉兩官允迪與補承信郎堂妹夫張文中與補
承信郎本位官吏等兩經進封各特與轉兩官資合寄
資者依礙止法人特與轉行二十五年十二月十二
日詔該遇大禮依格合得蔭補恩澤二人自紹興二十
五年為始特與放行六月二十日詔自今後宮人陞

轉掌字至宮正更不命詞給告止降宣命 二十七年

二月六日詔才人劉氏弟舜卿晉卿堂叔伋偁並特
與補承信郎 二十八年九月二十三日詔宮正張

氏與轉郡夫人依祿式支破諸般請給 十二月二十

一日詔才人劉氏進封婕妤 十七年二月十八日轉

紅霞帔十九年十二月二十日轉宜春郡夫人二十二

年五月十八日封才人三十一年八月詔可令歸家逐

便 二十九年二月六日詔慈寧殿夫人尚儀王氏與

轉郡夫人依祿式支破諸般請給 十二月二十日詔

軍筆典衣王氏除知尚書內省事與轉郡夫人賜名從

謹依祿式支破諸般請給 二十二年五月十八日詔

吳氏可封才人

六月十五日

是月孝宗即位未改元

詔主管大內公事知尚書內省事兼提舉十閤分事崇

國柔明淑美元妃御名改作美字和懿夫人王從恭知

尚書內省事永嘉郡夫人李從信

元妃御名改作信字

並令改正別出告命

八月七日詔司字刑氏知內庫

封宜春郡夫人賜名從美 二十七日詔張氏封平樂

郡夫人依祿式支破諸般請給 十一月二十八日詔

張氏封平樂郡夫人依祿式支破諸般請給 十一月

二十八日詔和國夫人郭氏加封和國淑懿靖順夫人

乾道二年十月七日詔贈和國淑懿靖順端恪惠和

雍穆夫人 乾道元年七月九日詔壽聖太上皇后殿

永嘉郡夫人張氏加封和國夫人典字馮氏封信安郡
夫人並各依祿式支破諸般請給十月十二日詔隨龍
平樂郡夫人張氏加封信國夫人二年五月十二日
詔紅霞帔夫人韓氏封宜春郡夫人九月九日詔知
尚書內省事和義郡夫人王從謹加封和國夫人兼主
管大內公事司字直筆王氏宜春郡夫人知尚書內省
事賜名從義各依祿式支破諸般請給三年十一月
十七日詔紅霞帔陳氏封信安郡夫人蔡氏封義郡夫
人鄭氏與轉宮字六年正月八日詔崇國柔明淑美
和懿夫人王從恭加封崇國柔明淑美和懿順穆夫人
儀國柔惠夫人朱從仁加封儀國柔惠嘉淑靜懿夫人

並依祿式支破諸般請給

王從恭年八十七歲朱從

仁年八十九歲並掌文字有勞故有是詔 閏五月十

一日詔主管大內公事知尚書內省事榮國夫人王從

敏加封崇國惠和夫人兼提舉十閤分事知尚書內省

事永嘉郡夫人李從信加封慶國夫人主管大內公事

直筆尚字張氏知尚書內省事封齊安郡夫人賜名從

善 八月四日詔宮字鄭氏封新定郡夫人依祿式支

破諸般請給 二十八日詔永嘉郡夫人張氏侍奉太

上皇帝日久特封婉儀 九月八日詔本位官吏等各

特與轉一官礙止法人特與轉行合寄資人依舊寄資

願回授者聽白身人特與補進武副尉諸色供御輦官

厨子翰林司供内儀薦入内院子各特與轉一資礙止
法人特與轉行 三十日詔德壽宮和国夫人張氏加
封和国柔嘉夫人御前随龍信国夫人張氏加封信国
明順夫人並各依祿式支破諸般請給 七年十一月
九日詔德壽宮典字趙氏封信安郡夫人並依祿式支
破諸般請給八年七月二十七日詔主管大内公事知
尚書内省事和国夫人王從謹加封和国恭順夫人提
舉十閤分事知尚書内省事宜春郡夫人王從義加封
惠国夫人主管大内公事直筆尚字王氏封永嘉郡夫
人知尚書内省事賜名從誠並各依祿式支破諸般請
給 十二月十四日詔随龍尚字于氏封新興郡夫人

隨龍尚字張氏封順政郡夫人

九年六月三十日詔

主管大内公事知尚書内省事慶国夫人李從信兼提
舉十閤分事知尚書内省事齊安郡夫人張從善主管
大内公事加封惠国夫人尚字直筆劉氏知尚書内省
事封安城郡夫人賜名從惠並依祿式支破諸般請給
内李從信止係遷職兼領合授宣命十月一日詔紅霞
帔魏氏知内庫特與封新安郡夫人賜名從正依祿式
支破諸般請給以上乾道會要

淳熙元年正月十二日

詔隨龍信国明順夫人張氏特與轉信国明順柔靚淑

貞夫人 四月二日詔和国柔嘉夫人張氏轉和国柔

嘉肅懿夫人

四年十一月二十八日特加贈和国柔嘉

肅懿雍穆莊親順正夫人二年二月二十四日詔主管
大內公事知尚書內省事兼提舉十閤分事慶國夫人
李從信特加封淑懿夫人三年正月四日以失照檢加
恩鎖院降授慶國夫人是年五月復慶國淑懿夫人依
前主管大內公事知尚書內省事兼提舉十閤分事五
年五月二十四日上遺表乞將本位官吏祇應人等依
效惠國夫人張氏遺表例各與轉一官資礮止法人特
與轉行內白身人特與補進武副尉臣僚繳發乞將礮
止法人依條回授其白身人例轉一官候有名日日收
使從之十二月二十八日詔德壽宮內人蔭氏特封咸
寧郡夫人三年正月四日詔直筆司字吳氏差誤加

恩鑠院降紫霞帔 十一月十九日詔和義郡夫人蔡氏可進封婉容 十年十月八日進封貴妃親屬並官吏推恩有差 十二月四日詔內人李氏封同安郡夫人劉氏封永寧郡夫人典字李氏封通義郡夫人 四年四月七日詔故宮字徐氏特贈新安郡夫人以皇太子乳母故也 十一月二十八日詔故信安郡夫人馮氏特贈嘉國夫人 五年正月二十三日詔德壽宮內人王氏特封平樂郡夫人郭氏特封咸寧郡夫人 五月二十一日詔知尚書內省事新興郡夫人房從柔陳主管太內公事知尚書內省事轉崇國夫人 同日詔直筆司字梁氏除知尚書內省事轉永嘉郡夫人賜名從溫 十

年閏十一月十五日轉儀國夫人主管大內公事知尚
書內省事六年六月二十九日詔內人吳從善除主管
大內公事轉信國夫人直筆司字王氏除知尚書內省
事轉咸安郡夫人賜名從順 十月二十四日詔德壽
宮內人陳氏特封新興郡夫人張氏特封高平郡夫人李
氏特封齊安郡夫人黃氏特封和義郡夫人 二十五
日詔內人黃氏特封新平郡夫人 七年十二月二日
詔通義郡夫人李氏同安郡夫人張氏並進封婕妤本
位親屬官吏推恩有差 九年二月二十七日詔主管大
內公事知尚書內省事兼提舉十閤分事嘉國夫人王
從誠特授嘉國惠淑夫人主管大內公事知尚書內省

事兼提舉十閤分事成國夫人劉從惠特授成國柔穆夫人 四月十六日詔壽聖齊明廣慈太上皇后殿內人姜氏特轉咸寧郡夫人 七月三日詔隨龍榮國夫人張氏特轉榮國婉觀夫人 十年八月二日詔婕妤李氏贈貴妃八日上遺表乞親屬並官吏依故崇國夫人周氏遺表例從之 九月十五日詔恭奉太上皇后聖旨齊安郡夫人李氏侍奉太上皇帝日以有勞特封才人親屬推恩有差十月八日詔婕妤張氏進封婉容親屬并本位官吏推恩有差閏十一月十五日詔直筆司字朱氏轉宜春郡夫人賜名從謙知尚書內省事 十二月二十六日詔壽聖齊明廣慈太上皇后殿內人平

樂郡夫人王氏封成國夫人咸安郡夫人郭氏封崇國
夫人徐氏封信安郡夫人黃氏封咸寧郡夫人鞏氏封
和義郡夫人。十一年正月八日詔德壽宮內人孫氏
封高平郡夫人蔡氏封縉雲郡夫人王氏封順政郡夫
人張氏封南平郡夫人張氏封齊安郡夫人。二月三
日詔隨龍崇國婉覲夫人張氏特轉崇國婉覲柔惠夫
人。二十四日詔主管大內公事知尚書內省事兼提
舉十閤分事崇國夫人房從柔特轉崇國和惠夫人。十
五年十一月十七日轉崇國和惠懿敏賢肅夫人。九月
二十八日詔內人閔氏轉南平郡夫人王氏轉永陽郡
夫人。十二年十月二十二日詔新平郡夫人陳氏特

與封美夫人

十四年三月一日進封婉容親屬并官吏

推恩有差十二月二十二日詔主管大内公事信国夫

人吳從善除兼提舉十閤分事知尚書内省事十四年

六月六日轉信国順懿夫人十五年十一月十七日轉

信国順懿賢惠夫人同日詔咸安郡夫人王從順除主

管大内公事知尚書内省事轉寧国夫人直筆司字朱

氏除知尚書内省事轉永嘉郡夫人賜名從禮十三

年正月十九日詔德寿宫内人紅霞帔李氏轉安定郡

夫人三月二日詔内人盛氏特封南陽郡夫人黃氏

封平原郡夫人十四年正月二十日詔嘉国夫人謝

氏轉嘉国淑惠夫人永嘉郡夫人劉氏轉崇国夫人

八日詔知尚書內省事宜春郡夫人朱從謙除主管
大內公事知尚書內省事轉潤國夫人直筆司字陳氏
除知尚書內省事轉順政郡夫人賜名從信 五月二
十二日詔德壽宮順政郡夫人王氏特封才人親屬推
恩有差十五年八月一日詔皇太后殿內人成國夫人
王氏轉成國親穆夫人 十六年二月一日詔司字吳
氏轉縉雲郡夫人以上孝宗會宴 淳熙十六年五月十
八日詔紅霞帔張氏進封婉儀 六月十七日詔知尚
書內省事永嘉郡夫人朱從禮除主管大內公事轉和
國夫人典字直筆馮巧巧除知尚書內省事轉齊安郡
夫人賜名從順 十一月二十一日臣僚言淳熙十四

年九月十九日指揮國郡夫人各減代手分充主管文字一名合省減人數且令依舊候離司或事故更不作閏近鄭夫人馮夫人位各差主管文字并代手分充主管文字及手分三人緣逐位各已承降指揮蒙朝廷給降付身了當不敢申請裁損竊慮日後更有國郡夫人指例從舊差破三人難以阻遏乞檢會已降裁減代手分充主管文字一名施行詔令照應已降裁減指揮將增置人並罷 紹熙元年二月十五日詔成國觀穆夫人王氏特授成國觀穆柔正夫人信安郡夫人徐氏特授信國夫人鄭氏特授清河郡夫人方氏特授安化郡夫人高氏特授彭原郡夫人 三十日詔重華宮內人

梁氏封新安郡夫人 三月十日詔壽成殿內人崇國
夫人劉氏封崇國柔惠夫人劉氏特封感義郡夫人並
依祿式支破諸般請給 十二月詔宮人潘氏封新興
郡夫人朱氏趙氏並與破宮字請給 五月二十三日
詔重華宮內人宋氏特與封高平郡夫人 八月十二
日詔壽成殿內人張氏特與轉永嘉郡夫人 九月二
十三日詔重華宮內人傅氏特封信安郡夫人吳氏特
封新安郡夫人韓氏封齊安郡夫人吳氏特封咸安郡
夫人 同日詔至尊壽皇聖帝隨龍人吳氏郭氏並封
淑人 十二月十五日詔壽皇聖帝隨龍人信安郡夫
人胡氏特與依宮人祿格支破諸般請給 二年正月

十二日詔重華宮內人朱氏特與縉雲郡夫人 四月
二十八日詔隨龍內人張氏封高平郡夫人依祿格支
破請給 三月改封永嘉郡夫人 二十一日詔重華宮內
人張氏特與破典字依祿式則例支破諸般請給 三
年九月二十二日詔張氏可特封郡夫人請給特與依
宮人祿式支破 十二月二十五日詔大內女道吳仲
修特與補左街鑒義 四年十二月十五日詔宮人符
氏與轉永寧郡夫人李氏與轉通義郡夫人 五年二
月二十一日詔同安郡夫人武氏進封才人 三月十
二日詔宮人張氏與封同安郡夫人 以上光宗會要慶
元元年正月七日詔宮人劉氏特封国夫人素氏錢氏

特封郡夫人並依祿式支破諸般請給 二年二月十

四日詔壽康宮內人鍾氏朱氏並特封郡夫人依祿式

支破諸般請給 三月十五日詔宮人王氏特封郡夫

人依祿式支破諸般請給 七月二十一日詔隨龍信

國淑明慈懿夫人素氏特轉信國淑明慈懿端靖夫人

溫國柔惠莊順夫人成氏特轉溫國柔惠莊順雍穆天

人並依祿式支破諸般請給 三年四月素氏封信國淑

明慈懿端靖柔嘉懿肅夫人成氏加封溫國柔惠莊順

雍穆和懿英淑夫人 八月十三日詔知尚書省事平樂

內

郡夫人楊從慧除主管大內公事知尚書內省事轉崇

國夫人直筆尚字衛氏除知尚書內省事轉感義郡夫

人賜名從正 三年二月十二日詔宮人劉氏特封郡
夫人新安郡夫人張氏特轉國夫人 三月二十八日
詔主管大內公事知尚書內省事兼提舉十閤分事潤
國和順夫人朱從謙特轉潤國和順端肅夫人主管大
內公事知尚書內省事兼提舉十閤分事和國夫人朱
從禮特轉和國順懿夫人並依祿式支破諸般請給
九月六日詔壽康宮宜春郡夫人宋氏新興郡夫人潘
氏並特轉國夫人宮字陶氏特轉郡夫人並依祿式支
破諸般請給 四年二月二十七日詔壽康宮小殿直
孫氏特轉齊安郡夫人于氏特轉新定郡夫人吳氏特
轉感義郡夫人請給等並依祿式支破 十二月十二

詔壽康宮隨龍信安夫人郡陶氏特轉和国夫人宮字

趙氏特封寧國夫人依祿格支破諸般請給 十三日

詔壽慈皇太后殿內人崇国柔惠夫人劉氏特轉崇国

柔惠端肅夫人感義郡夫人劉氏特轉信国夫人宮字

俞氏特封新安郡夫人朱氏特封齊安郡夫人並依祿

式支破諸般請給 五年四月二十九日詔恭奉聖安

寿仁太上皇帝聖旨壽康宮宮人劉氏特封滎陽郡夫

人依祿式支破諸般請給 五月十三日詔婕妤楊氏

進婉儀 同日詔宮人李氏特封新安郡夫人 是月

改封新定郡夫人六年二月改封和国夫人八月二十

六日詔壽康宮內人安国夫人鍾氏特轉安国柔嘉恭

懿夫人冉氏特封新安郡夫人並依祿式支破諸般請
給 九月二十一日詔壽康宮宮人尚字張氏特封清
河郡夫人尚字周氏特封高平郡夫人尚字馬氏特封
安化郡夫人並依祿式支破諸般請給 十二月二日
詔壽康宮內人紅霞帔孫氏特轉郡夫人依祿式支破
諸般請給 六年二月十三日詔恭奉聖安壽仁太上
皇帝聖旨壽康宮宮人永寧郡夫人符氏進封婕妤
二十日詔宮人齊安郡夫人王氏特封吉回夫人通義
郡夫人曹氏特封榮固夫人司字李氏特封通義郡夫
人典字潘氏特封通化郡夫人曹氏特封永嘉郡夫人
黃氏特封順政郡夫人紅霞帔周氏特封新興郡夫人

宮人駱氏特封宜春郡夫人周氏特封和義郡夫人童
氏特封縉雲郡夫人 四月一日詔恭奉聖安壽仁太
上皇帝聖旨壽康宮宮人感義夫人吳氏特封美人
五月二十三日詔恭奉聖安壽仁太上皇帝聖旨壽康
宮才人武氏進封婉容 七月七日詔宮人曹氏特封
和政郡夫人紅霞帔俞氏特轉成寧郡夫人並依祿式
支破諸般請給 九月二十七日詔宮人掌字賈氏紅
霞帔李氏並轉郡夫人依祿式支破諸般請給 嘉泰
元年三月九日詔宮人通義郡夫人李氏特轉成國夫
人紅霞帔王氏特封新定郡夫人並依祿式支破諸般
請給 二年六月十三日詔知內庫新安郡夫人魏從

正特與轉和国夫人請給等並依祿式則例支給 三

年三月三日詔美人曹氏進封婕妤高平郡夫人閻氏

封美人 四月二十七日詔皇后閻榮国夫人曹氏與

陞兩字国夫人咸寧郡夫人俞氏新吳郡夫人周氏

春郡夫人駱氏和義郡夫人周氏司字李氏典字蔡氏

各特與陞轉国夫人典字徐氏紅霞帔鄧氏董氏張氏

各特與陞轉郡夫人並依祿式支給請給 同日詔崇

國夫人韓氏可陞兩國夫人 嘉定元年正月十四日

詔主管大内公事知尚書内省事兼提舉十閤分事惠

国莊順夫人馮從順與轉四字主管大内公事知尚書

内省事崇国夫人楊從慧除兼提舉十閤分事與轉兩

字知尚書內省事咸義郡夫人衛從正除主管大內公
事與轉目夫人直筆尚字何氏知尚書內省事與轉郡
夫人賜名從謹 五年八月十五日詔宮人楊氏除知
內庫轉信安郡夫人賜名從簡包氏與轉紅霞帔並依
祿式支破諸般請給 九年閏七月三日詔知尚書內
省事咸寧郡夫人王從義除主管大內公事轉潤國夫
人直筆尚字呂氏除知尚書內省事轉永嘉郡夫人賜
名從智直筆司字王氏與轉尚字寶案典字張氏與轉
司字書省紅霞帔李氏馮氏並與轉掌字聰宣王氏未
出請受官身王氏張氏內藏庫識字王氏並與轉紫霞
帔未出請受官身楊氏張氏史氏並與轉聰宣寶閣紫

霞帔張氏管殿紫霞帔王氏未出請受官身田氏並與
轉紅霞帔並依祿式支破請給 十年九月十二日詔
宮人吳氏可封新安郡夫人依祿式支破請給 十二
年十月二十七日詔知尚書內省事新安郡夫人何從
謹除主管大內公事轉吉國夫人直筆尚字王氏除知
尚書內省事轉宜春郡夫人賜名從信並依祿式支破
諸般請給 十五年三月十五日詔宮人吳氏可特與
封成寧郡夫人依祿式支破諸般請給 十六年正月
七日詔宮人紅霞帔楊氏特與封成安郡夫人依祿式
支破諸般請給 以上寧宗會要